

四庫全書

子部

# 欽定四庫全書

子部

欽定西清硯譜卷三

詳校官中書<sub>臣</sub>李彤

貢外郎<sub>臣</sub>牛稔文覆勘

總校官編修<sub>臣</sub>王燕緒

校對官編修<sub>臣</sub>吳省蘭

謄錄監生<sub>臣</sub>葛瀛三

繪圖監生<sub>臣</sub>門慶安

欽定四庫全書

欽定西清硯譜卷二

陶之屬

漢甄多福硯

乾清宮

漢甄石渠硯

頤和軒

漢甄虎伏硯

延趣樓

魏興和甄硯

樂壽堂

唐石渠硯

一 乾清宮

唐石渠硯二


樂壽堂

唐澄泥六螭石渠硯


唐八棱澄泥硯

獅子林

漢甌多福硯正面圖



漢甌多福硯背面圖



漢磚多福硯說

硯高五寸許寬七寸許厚五分橫斜曲直因其自然成側翅蝙蝠形色淡黃質理細膩如玉當是漢時古磚之利缺者硯正中隆起寸許如背下即土質墳處為小蝠一右方平處磨治為硯工鐫多福研三字右上方鐫天界夫子瑞其家庭八字下方鐫銘二十四字署款曰平州左方鐫銘二十四字亦署平州二字款又鐫識語二十六字無款並楷

書左角鐫寶一曰乾隆珍翫硯背左角鐫多蝠二字篆書中土脈墳起處刻蝠形隱約可辨者幾十餘工方鐫銘四十八字署款曰白氍毹人贊五字並楷書平州及白氍毹人俱無考是硯色黃肌細扣之作土聲確係是陶非石平州作銘止云沒水毓精亦未確指為石也惟白氍毹人贊稱泰山所鍾始誤認為石遂致沿訛使佳硯本質不彰考漢以前陶埴精良三臺之瓦世所膾炙其餘搆造必



不苦窳是硯獲自汶水靈光魯殿去汶不遠豈無  
遺甃淪沒洪波久而復出堪備硯材者其為漢磚  
無疑匣蓋鐫

御題銘一首楷書鈐寶二曰惟精惟一曰乾隆宸翰  
等捧觀敬誦竊仰窺我

皇工法

祖敬

天建極錫福之忱無時或釋即

銘硯數語而

深宮宵旰凡所以措斯世斯民於熙皞之盛胥於是乎

在矣外匣蓋鐫

臣

任蘭枝

臣

蔣溥

臣

劉統勳

臣

彭

啓豐

臣

張若靄

臣

鄂容安

臣

介福銘各一首俱楷

書

御製多福硯銘

惟古有訓斂時五福敷錫庶民幽贊化育承

天之序厥惟艱哉視民如傷孰釋予懷母曰九重之宮  
而安其躬念節屋之竊歎每憂心以忡忡母曰八珍之  
膳而供其宴念糲食之尚乏嗟何能以下嚙錫福謂何  
遑云建極期愆尤之或鮮恒小心而翼翼我心如是我  
志在茲視此硯石貞堅不移庶

天

祖之鑒佑致風雨其咸時斯蒼生之多福即予一人之多福永與薄海而共之

平州銘 汶水之清實毓其精人心抱質翰墨流英貽厥孫子紹我家聲

又 獲硯即如獲田有田正可種福願我世世子孫慎毋懈於畊讀

無款識語 見在之福積自祖宗者不可不惜將來之福遺於子孫者不可不培

白醜緣人贊 太山所鍾汶水所浴堅勁如鐵溫  
潤似玉化為飛颺生生百族不假雕飾天然古綠  
用而作硯龍尾繼躅文字之祥自求多福

臣 任蘭枝銘

朶雲片玉出淵阜噓氣如虹工銜

斗貢之明堂列几右赤文綠字無不有毫端膚寸  
百靈走崇朝徧灑歡駭耄翊贊文明發豐蔀蒸出  
芝菌作林藪民俗登三歲餘九用介景福俾單厚  
九重斂抑志謙受精意被濯乎盈缶敷言錫福騰萬口

尚勵乃績一乃守含章靜嘿遠氛垢萬歲千齡奉  
我

后

臣  
蔣溥銘 維

皇建極錫福下民言傳號渙灑澤為春覩茲石英德象  
坤厚蓄故能容靜故能壽肅陳丹几夙夜懋勤根  
柢經訓扶質敷文抱貞守一沾濡朝野漸之摩之  
悠也久也遜志時敏

聖學日新仁耕義耨廣運陶鈞福被萬邦中正是東銘  
厥金石用配盤鼎

臣劉統勲銘 中和純粹毓質惟良以綏多福嘉  
名乃彰福之滋培既深且長福之推暨品類咸昌  
體立用行炳蔚藹皇有典有則如圭如璋味道之  
腴淑藝之芳澤沛蒼黎輝映巖廊德洋恩溥若時  
雨暘引之中之積厚流光日新又新第祿用康文  
同九有慶錫無疆

臣 彭啓豐銘 雲根出山霞蔚其文墨池灑潤結  
藻流芬以介繁祉百福千祀與金並堅比玉同美  
挹彼注茲潤色鴻熙出納

綸誥

恩膏溥施靜德無聲紫光似鏡正直守中端凝主敬維  
德之馨錫賚有銘盤盂並鑒彝訓是經我

皇至德受釐保佑配命自求乾行坤厚

天葩刊珉輝光日新建極錫福箕疇載陳



臣張若靄銘 坦坦平平宜文宜質溫溫穆穆如  
圭如璧其體常貞其用不息動以研天下之精靜  
以立天下之則從心而不踰手矩因時而不滯乎  
物是之謂造福之田挾天之筆藹藹為雲膚寸也  
而沛垂天之澤淵淵其淵涓滴也而凝江海之液  
渙汗其大號而義貫六經燦麗其絳綸而文成五  
色蓋萬物之壽也而悉本於  
王心之一萬年之和也而皆蘊於

皇衷之密神之聽之多福是錫民之質矣徧為順德

臣 鄂容安銘 維茲珉石膺受多福樸然天成渾

渾穆穆體端而靜性堅以貞以濡以沐潤色蒼生  
濡之以毫為霖為雨曾不崇朝徧於寰宇沐之以  
墨如絳如綸沛若江河達於崑崙勿謂萬類聚之  
几席藉此方寸通其呼吸雖有萬事資以助之著  
於一紙九有勿遺運行在心吐納在腹一滴涓涓  
中外咸渥膺福者硯錫福者

天虛中以應億萬斯年


臣介福銘 相茲貞石採自幽谷退之琢之溫其如玉供清玩於

九重肇嘉名以多福明明我

后錫極庶民宵衣旰食與物偕春福緣天降亦由自求  
遵道遵路朝野咸休乃啓彤帷乃拭絳几嘉茲硯  
之堪珍煥絲綸於遐邇涵濡宇宙潤色太平永斯  
年於億萬熙久道兮化成



漢碑石渠硯正面圖 繪圖十分之六



漢碑石渠硯背面圖



漢執石渠硯說

硯高七寸二分寬四寸二分厚二寸長方式漢古  
執為之色紫而澤中為受墨處上微凹直勒為墨  
池周環以渠俱斗檢式直勒下邊周刻雲雷紋側  
面刻螭六上下環束絢紋二四足為獸而承硯離  
几六分許背面邊周刻水草紋覆手窪下作兩層  
中鐫漢墨藏寶四字篆書工層周鐫

御題詩一首篆書鈐寶一曰永寶用之匣蓋並鐫是詩

隸書鈴寶一曰得佳趣是硯刻鏤俱極古雅有刀  
法編裹青綠砂斑尤有寶色如古鼎彝體質瑰厚  
較唐石渠硯更為渾穆



御製題漢執石渠硯

寶藏漢時墨器類楚王碑質異洪家譜珍傳朱氏編陶  
泓信此月居然彼誰焉設寄鳳池容寧知八影遷



漢磚虎伏硯蓋外面圖



漢磚虎伏硯蓋內面圖




古碑疑出未央宮泥質全澄  
色類銅小篆何人刻虎伏於

荒那又擬文雄

乾隆丙申仲夏御題



漢磚虎伏硯正面圖



漢碑虎伏硯背面圖



漢碑虎伏硯說

硯高五寸上寬二寸七分下寬三寸二分厚約一寸五分許色黃而黯質極堅潤與漢輶及未央瓦絕相類琢為伏虎形中剖為硯如石函式上函為蓋虎首左顧旋毛文炳遍體青綠砂斑兼有剝蝕下函為硯受墨處寬平硯池正圓為太極圖式四周墨鏤深厚真數百年前製底刻虎足踞伏形爪距宛然蓋內鐫

御題詩一首隸書鈴寶二曰此德曰朗潤底鐫虎伏二字篆書謹案

內府所藏虎形硯共五方皆質係澄泥雖色分黃赤背款亦有作虎符字與此不同而形體尺度大畧相仿疑出宋人手製惟此硯更為古澤似得漢時舊軌磨治為之者更蓋內鐫

御題詩與硯同鈴寶二曰會心不遠曰德克符




御製題漢執虎伏硯


古執疑出未央宮泥質全澄色類銅小篆何人刻虎伏  
於菟那足擬文雄




魏興和甄硯正面圖



魏興和朝硯背面圖



魏興和甄硯側面圖



魏興和軌硯說

硯高四寸一分寬二寸九分厚六分魏興和時軌也質細聲堅古意穆然不知何時始琢為硯而正平受墨處刻作餅式即餅口為墨池深二分硯側週鑄

御題銘一首楷書鈴寶一曰比德硯背鑄大魏興和年造六字隸書上方左側嵌半兩錢一枚并玉蕊片二似係入土年久粘漬者考明高濂遵生八牋稱

魏時軌硯長九寸厚二寸許濶四寸色黃淡如沉香所載硯背文與此同又稱一方有異獸奮翼者正半其形想軌大而得其半云云是硯尺度較小或亦因半軌而加製作者匣蓋鐫

御題銘與硯同隸書鈐寶二曰會心不遠曰德充符匣底內鐫乾隆御用四字外鐫魏興和軌硯五字俱隸書






御製題魏興和軌硯


扣如金石聲和緩背識興和年造宛彼其偏安世季晚  
何有北哉郁翰苑信乎斯文行之遠



唐石渠硯正面圖  
繪圖三分之一  
第一硯



唐石渠硯背面圖



唐石渠硯說

硯方四寸二分厚二寸二分跗高七分澄泥為之  
受墨處正方首微仰墨池周圍成渠深一寸一分  
環渠邊周刻流雲紋硯側四面上下通界綯紋中  
凸起獸面各一四角承跗處出硯體外各一分硯  
背中心凸起正方如印所鐫篆書銘惟能然以其  
四字尚存餘不可辨後有宜子孫楸圓印一四角  
刻流雲斜屬於跗上方鐫唐研二字左方鐫石渠

二字俱隸書石方鐫

御題銘一首楷書鈐寶一曰朗潤考宋高似孫硯箋引  
鄭亨仲硯記云唐人所用皆陶又云虢州澄泥唐  
人以為第一蓋唐中世以前未甚知有端歙也是  
硯墨鋪古厚遍身砂斑青綠獸面鑒金掩映燥爛  
當係入土年久所致至其製古質佳尤非後代所  
能彷彿匣蓋外鐫

御題銘與硯同行書鈐寶一曰乾隆宸翰內鐫唐硯二

字隸書匣底鐫石渠二字隸書鈴寶一曰乾隆御  
玩外鐫標識曰丙楷書






御製唐石渠硯銘

水火既濟萬物得津逮



唐石渠硯正面圖  
第二硯




欽定四庫全書



欽定西清硯譜

手大

唐石渠硯背面圖



唐石渠硯說

硯方二寸五分厚一寸五分趺高分許澄泥為之  
四邊及側俱作雷回文周環石渠渠深廣各二分  
許中為受墨處方一寸六分色深紫四側各綴獸  
面銅鏤一夾以螭螭各二工下周勒綯紋四足高  
分許亦作獸面緣趺硯背深窪四分正方中有貽  
子孫方印一沿邊周鐫

御題銘一首隸書鈐寶一曰太璞是硯紫泥瑩潤如銅

如石而土花鋪溢金碧青紅莫名一狀與前唐石渠硯形式較小款製正同真千年古物也匣蓋外鐫

御題銘與硯同隸書鈐寶一曰德充符蓋內鐫乾卦一匣底外鐫乾隆御用四字楷書


御製唐石渠硯銘

方盈寸有半圓以渠而周銅乎石乎泥乎合一相閱千秋邊幅雖小其用無窮如寸田贊化工






唐澄泥六螭石渠硯正面圖繪圖十分之八



唐澄泥六螭石渠硯背面圖



唐澄泥六螭石渠硯說

硯高五寸六分寬三寸六分厚一寸二分澄泥為之長方式周環以渠深八分受墨處上方微仰渠外邊周刻卧螭紋側面刻六螭左右各二上下各一覆手深五分許作兩層與硯面相應中鐫

御題銘一首楷書鈐寶二曰比德曰朗潤是硯質細體輕墨華融結剝蝕處古意穆然必非唐以後所能為與

內府舊藏唐石渠硯雖一紫一黃色有不同形製亦異而閱世千餘墨寶流傳並陳

瑤席洵非偶然也匣蓋銘

御題銘與硯同隸書鈐寶一曰德充符


御製唐澄泥六螭石渠硯銘

石渠唐硯久藏內府兮  
賁來六螭物必有偶兮  
呵之發潤筆花墨雨兮  
竟體剝蝕華紋吞吐兮  
玉尚有焉況斯甄土兮  
何物永堅為之意憮兮



唐八稜澄泥硯正面圖

繪圖十分之八




唐八稜澄泥硯背面圖

汾水澄泥絳縣製  
賈氏譚錄詳紀事  
建武庚子分明識  
海馬飛魚出波際  
佐我文房之五藝  
揮毫祇欲書亥字  
乾隆御銘







唐八稜澄泥硯說

硯八稜稜廣一寸八分徑四寸一分厚四分受墨處正圓如辟外環墨池池外周刻海馬飛魚出沒波濤之際上方左右側面鐫銘款十二字篆書硯背鐫

御題銘一首楷書鈴寶二曰會心不遠曰德充符考明高濂遵生八牋稱唐澄泥硯池以泥水澄瑩燒而為硯品為第一刻法精妙真希世物云云所載篆

書銘識刻作物象與是硯同惟彼稱方廣九寸厚  
二寸此為較小或作硯時依式製造數方大小各  
具也且土質細潤堅如玉石其為汾絳舊物無疑  
又考明理宣跡平水圓壁八字迴文銘為梁邱遲  
作款署建武庚子四字建武為齊明帝年號遲速  
事明帝故署建武惟明帝以甲戌建元至戊寅改  
元永泰無庚子年意銘後庚子二字或書其日也  
唐人作硯時蓋沿用銘詞並列原款以為重耳重

蓋銅

御題銘與硯同鈴寶二曰幾暇怡情曰得佳趣匣底內  
錯乾隆御用四字外錯唐八稜澄泥硯六字並隸  
書

御製唐八校澄泥硯銘

汾水澄泥絳縣製賈氏譚錄詳紀事建武庚子分明識  
海馬飛魚出波際佐我文房之五藝揮毫祇欲書亥字

欽定西清硯譜卷二

欽定四庫全書

欽定西清硯譜卷三

陶之屬

宋宣和澄泥硯

宋張栻寫經澄泥硯

宋澄泥虎符硯一 養心殿

宋澄泥虎符硯二 漱芳齋

宋澄泥虎符硯三 符望閣

宋澄泥虎符硯四

宋澄泥石函硯一 重華宮

宋澄泥石函硯二 尋沿書屋

宋澄泥石函硯三


宋翠濤硯 乾清宮

宋方井硯 乾清宮



宋宣和澄泥硯正面圖

繪圖十分之六



# 宋宣和澄泥硯背面圖

澄泥貢硯識  
宣和小篆分明  
泐未磨撫不  
手留質古玉  
教心澹色春  
波出陶底無  
銅臺瓦受墨  
偏宜隸几城  
溫室餘間常  
命什勒幾惟  
覺慙賡歌  
乾隆御題

良工德製出延和  
宣和御製下唐鳳  
齊拱璧龍文宛在  
從酒露添餘鑄疑  
影賦開世今知遭  
長壽奉  
宸歌  
呂梁詩正恭和題

以陶代石之青和朱製流傳妙  
琢磨金錫同堅固  
向清地映月娥長佐揮毫  
天際麗雲仙向漫成歌  
呂劉敏題



幾度叢臺流水和流傳古  
未消唐西清識篆猶青  
靜友圭臬自衍波半泊  
宸章燦爛烟光濕不數  
石硯歌  
臣將漢恭和題

祥兒揮毫信手和宋時尺  
愛詩磨澗酒而真龍  
范其芒錦服皮毛銷  
是友雲仙漫說  
玉德蒼顏古衣沐榮光  
帝作歌  
臣王敦題

宋宣和澄泥硯說

硯高八寸寬五寸八分厚八分宋時澄泥製硯面  
正平受墨處刻瓶式即以瓶口為墨池深三分瓶  
式邊線皆作細綯紋瓶耳刻作螭虎形右角刻缺  
四周俱有土蝕痕硯背覆手刻作圭式中鐫宣和  
二字篆書上方鐫

御題詩一首行書鈴寶一曰乾隆御賞左方鐫

臣蔣溥

臣汪由敦右方鐫

臣梁詩正

正

臣劉統勳

恭和詩各

一首俱楷書是硯淘煉精良堅潤如石閱代既久  
墨光可鑑篆刻亦極古秀洵推陶友工乘匣蓋並

鐫

御題詩與硯同隸書鈐寶二曰乾隆宸翰曰惟精惟一

御製題宋宣和澄泥硯

澄泥貢硯識宣和小篆分明泐未磨撫不手留質古玉  
映教心澹色春波出陶底異銅臺瓦受墨偏宜隸几娥  
溫室餘閒常命什勅幾惟覺慚賡歌

臣  
蔣溥詩

幾度叢臺澆水和流傳古質未消磨

西清識篆猶青汴東壁分牋自衍波半沼春泉宜  
靜友一圭膩玉薦雲娥

宸章燦處烟光濕不數端州石硯歌

臣汪由敦詩 綈几揮毫心手和宋時尺璧愛詩  
磨濕涵雨氣龍鱗片潤浥寒芒鵲眼波毛穎舊傳  
陶是友雲仙漫詫墨為娥金聲玉德蒼顏古長沐  
紫光

帝作歌

臣梁詩正詩 良工舊製出延和

宣示依然瑩不磨鳳唼相看齊拱璧龍文宛在識迴波  
似從滴露添餘鏤疑有涵星照影娥閱世今知遭

際好千秋長得奉

宸歌


臣劉統勳詩 以陶代石土膏和宋製流傳妙琢  
磨金錫同堅留古暈蚌珠比潤泣微波試來蒼壁  
浮星彩浴向清池映月娥長佐揮毫

天藻麗紫雲舊句漫成歌






宋張栻寫經澄泥硯正面圖



宋張栻寫經澄泥硯背面圖



宋張栻寫經澄泥硯右方側面圖

南軒老人寫經硯



宋張栻寫經澄泥硯說

硯為風字式高四寸上寬二寸六分下寬三寸一分厚八分宋澄泥製質輕而細淡黃色澄泥之工品也受墨處斗入墨池深四分許墨鋪深裏徧體剝蝕石側鐫南軒老人寫經硯七字隸書硯字下半利缺不全覆手兩旁自上直勒下兩跗離几五分許中鐫

御題詩一首楷書鈐寶二曰會心不遠曰德充符考宋

張栻字敬夫浚子以廕入官仕終右文殿修撰提  
舉武夷山冲佑觀學者稱為南軒先生是硯當  
即其著述時所用也匣蓋鐫

御題詩與硯同隸書鈐寶一曰德充符



御製題宋張栻寫經澄泥硯

南軒曾是友龍賓師事胡宏授受真治郡立朝多實踐  
空言道學豈其人






宋澄泥虎符硯蓋外面圖 第一硯




宋澄泥虎符硯蓋內面圖




聞之說命事須師古也物豈不然於硯  
尤宜斯語也宋代澄泥其形為伏虎也  
小篆曰符蓋以用於軍旅也磨磨伊誰  
爰乃成其露布也觀象玩占我則念夫  
革之九五也自新新民應天順人之矩  
也古色斑斕文房朝夕與處也曰金曰  
石無不可也世間萬物莫不生于土  
也乾隆戊戌仲夏月御銘



宋澄泥虎符硯正面圖



宋澄泥虎符硯背面圖



宋澄泥虎符硯說

硯高四寸五分工寬二寸四分下寬二寸七分厚一寸五分澄泥為之式同漢執虎伏硯而背有旋紋自左上方斜帶右股過體青綠駁蝕中尚露雷紋幾處細如金錯墨池如偃月受墨處色淡而潤墨鋪濃厚砂斑點點底刻虎符二字篆書符字為青線所蝕幾不可辨而右寸字尚存彷彿蓋內鐫御題銘一首楷書鈐寶二曰古香曰太璞匣蓋內並鐫

是銘隸書鈴寶同

御製宋澄虎符硯銘


聞之說命事須師古也物豈不然於硯尤宜斯語也宋  
代澄泥其形為伏虎也小篆曰符蓋以用於軍旅也磨  
盾伊誰爰乃成其露布也觀象玩占我則念夫革之九  
五也自新新民應天順人之矩也古色斑斕文房朝夕  
與處也曰金曰石無不可也世間萬物曷莫不生於土  
也





宋澄泥虎符硯外面圖


第二硯




宋澄泥虎符硯蓋內面圖



宋澄泥虎符硯正面圖



宋澄泥虎符硯背面圖



宋澄泥虎符硯說

硯高四寸三分上寬二寸三分下寬三寸一分厚約一寸四分許澄泥宋製亦與前同而質稍紫硯蓋虎頭微小旋紋微模糊受墨處橢圓墨池亦作太極圖式底鐫虎符二字篆書蓋內鐫

御題銘一首楷書鈐寶二曰會心不遠曰德充符匣蓋內並鐫是銘隸書鈐寶二曰比德曰朗潤



御製題宋澄泥虎符硯

式為兵符形似虎意寓炳文濟其武坡云磨甕可供書  
奚必陶泓穉爾許





宋澄泥虎符硯蓋外面圖


第三硯




宋澄泥虎符硯蓋內面圖




宋澄泥虎符硯正面圖



宋澄泥虎符硯背面圖



宋澄泥虎符硯側面圖



宋澄泥虎符硯說

硯高四寸六分許工寬二寸四分下寬二寸七分  
厚一寸五分許赤色堅潤亦宋澄泥製體式正同  
惟虎首兩耳尖而旁出後兩足微仰而出爪通體  
有蟠夔紋中稍剝蝕腰以下重帶旋紋蓋內鐫翕  
此虎符式鳳喙失景采十字篆書無款硯面中束  
如壺盧墨池亦作太極圖式底多駁落痕工下合  
縫處石鐫以昭信兵四字左鐫國以永寧四字俱

篆書亦無款硯面邊周鑄

御題銘一首篆書鈴寶一曰乾隆匣蓋內並鑄是銘諫  
書鈴寶二曰幾暇怡情曰得佳趣






御製宋澄泥虎符硯銘


貌其金質其土象虎符詰戎旅彰斯文濟彼武草露布  
是資汝



宋澄泥虎符硯蓋外面圖 第四硯



宋澄泥虎符硯蓋內面圖



宋澄泥虎符硯正面圖



宋澄泥虎符硯背面圖



宋澄泥虎符硯說

硯高四寸四分工寬二寸五分下如之厚寸五分  
許亦澄泥宋製與前同而色淡黃形體畧方硯蓋  
虎頭亦方而右頤通體皆臥蠶紋微有剝落硯面  
及蓋合縫處亦多剝落硯池作如意式下覆底全  
剝蝕無虎足跼伏形蓋內鐫

御題銘一首篆書鈐寶二曰乾隆匣蓋內並鐫是銘隸  
書鈐寶一曰德充符






御製宋澄泥虎符硯銘

汾州舊製囊沙淳是陶足治良工整如金如石為用靜  
大人虎變其文炳自新新民吾應省



宋澄泥石甬硯蓋外面圖


繪圖十分之八  
第一硯




宋澄泥石函硯蓋內面圖



宋澄泥石函硯正面圖



宋澄泥石角硯背面圖



宋澄泥石函硯左方側面圖

鼎道并焱何極青  
霞流貯菖液靈威  
小兒在汝側

宋澄泥石函硯說

硯底高四寸五分蓋高三寸七分底上方寬四寸  
許下寬四寸三分蓋上方寬三寸四分下寬三寸  
六分斗檢形下豐上銳底蓋通厚一寸八分澄泥  
中剖不加磨治自然闢筍蓋外面鐫石函二字篆  
書內面深三分中鐫

御題銘一首隸書鈴寶一曰德充符受墨處亦深三分  
許上方為墨池硯背刻為井字中圓如井欄左側



底蓋合縫處鐫銘十九篆書無款匣蓋鐫

御題銘與硯同隸書鈴寶一曰會心不遠



御製宋澄石函硯銘

絳州泥誰為澄端溪石誰為形泥而石非所料石而泥非所較一而二二而一水為八墨為出背畫井思復古也面磨凹不可補也經世修身宜思何以自處也

無名人銘 鼎迫井焱何極青霞流貯菖液靈威  
小兒在汝側




宋澄泥石角硯蓋外面圖 第二硯




宋澄泥石函硯蓋內面圖



宋澄泥石函硯正面圖




宋澄泥石函硯背面圖





宋澄泥石甬硯左右側面圖



鼎道井焱何極  
青霞流野昌液  
靈威肱兒在我側

宋澄泥石函硯說

硯正方為斗檢式厚一寸四分面縱橫各二寸七分底縱橫各三寸三分宋時澄泥製剖為石函上下自然渾合下函為硯受墨處正平方斜入墨池約深二分許上函為蓋面有剝蝕痕鐫石函二字篆書蓋內鐫

御題銘一首楷書鈐寶一曰德充符左側上下函合縫處鐫銘十九字篆書下函右側有原博二字方印

一下箇背刻作井字形中圓如井口是硯質細而  
潤製作亦古與前石函硯式相仿惟此銘內朕字  
我字彼作小字汝字稍異耳亦不署名不知何人  
作原博係明吳寬字想曾經鑒用者匣蓋錯

御題銘與硯同隸書鈐寶一曰幾暇怡情



御製宋澄泥石角硯銘

石角同舊具體而微銘辭復同孰辨是非乾坤闢闔無  
縫天衣泥而成石殊途同歸文以載道事在人為

無名人銘  
鼎通井焱何極青霞流貯菖液靈成  
朕兒在我側



宋澄泥石函硯蓋外面圖

繪圖十分之八  
第三硯




宋澄泥石函硯蓋內面圖






宋澄泥石函硯正面圖



宋澄泥石函硯背面圖



宋澄泥石函硯左方側面圖

（清室）

發我玄光助我靈  
筆傳百十世壽永

月日

宣光

（規）

宋澄泥石角硯說

硯高三寸七分上寬二寸七分下寬三寸三分蓋  
厚七分底厚八分許通厚一寸五分澄泥為之中  
剖處凹凸自然不加礪治蓋面左方及左右下方  
俱有剝蝕正中鐫石角二字篆書蓋裏深三分鐫  
御題銘一首楷書鈴寶二曰比德曰潤潤硯面正平而  
微窪上方墨池深三分許硯背作井字中圓如井  
形亦微有剝蝕左側合縫處鐫銘十六字篆書未

署宦光二字款行書首有片雲二字橢圓印一未  
有凡夫二字方印一考明趙宦光蘇州人號凡夫  
隱寒山工篆書是硯較前二硯土質稍粗似遜一  
籌而製式相同且經凡夫鑒藏亦可寶也匣蓋鐫  
御題銘與硯同隸書鈐寶一曰古香



御製宋澄泥石函硯銘


凡以漢稱遠或偽成泥以宋澄近而可徵逮茲其三石  
函製同寓法化報三身義精況鈴凡夫寒山用經憶彼  
隱處我曾偶停片雲之軒水綠山青想其揮毫益助性  
靈而何賁然懋勤是登擬詢陶泓何以貢情

趙宦光銘 發我元光助我靈筆傳百十世壽永  
月日





宋翠濤硯正面圖 繪圖十分之八



宋翠濤硯背面圖



宋翠濤硯側面圖

宋 研

剛而柔翠欲流用以數言  
萬春秋 乾隆御識

翠濤

宋翠濤硯說

硯高六寸寬四寸厚一寸宋澄泥製受墨處寬平與墨池通池深六分池左有銅器融蝕痕右粘五銖錢一枚硯首側鐫宋硯二字隸書左側鐫

御題銘一首楷書鈐寶二曰幾暇怡情曰得佳趣右側鐫翠濤二字隸書兩跗俱有剝蝕是硯色如黃玉入土年久銅氣蒸蝕蒼翠欲滴墨鏤亦復深透可稱硯林逸品匣蓋外鐫

御題銘與硯同楷書鈐寶一曰乾隆宸翰上鈐寶一曰  
乾隆內鐫宋硯二字匣底內鐫翠濤二字俱隸書  
外鐫標識曰庚楷書



御製宋翠濤硯銘

剛而柔翠欲流用以敷言萬春秋






宋方井硯正面圖 繪圖十分之六



宋方井硯背面圖



冽寒泉潤嘉穎立體於靜  
靜田斯永養而不窮者井  
也

乾隆御識

乾

隆

宋方井硯側面圖

方井

宋 研

宋方井硯說

硯高八寸四分寬五寸五分厚一寸宋澄泥製周  
刻溝塍面為井字中平如畦墨池深廣容墨勺許  
池間刻卧牛二神態宛然上方側鐫宋硯二字石  
側鐫方井二字並隸書周側及跗古痕駸蝕墨華  
斑瀾高似孫硯牋所云玉色金聲者庶幾近之硯  
背鐫

御題銘一首行書鈐寶二曰乾隆重葢鐫


御題銘與硯同行書鈴寶二曰得佳趣曰乾隆宸翰  
底內鐫方井二字隸書鈴寶一曰乾隆御玩外鐫

標識曰壬楷書



御製宋方井硯銘

冽寒泉潤嘉穎立體於靜福田斯永養而不窮者井也



欽定西清硯譜卷三